



UNIVERSITÄTS-
BIBLIOTHEK
PADERBORN

Universitätsbibliothek Paderborn

Westphalia Sancta, Beata Et Pia, Sive Vitæ Eorum Qui sua sanctitate et piis exemplis Westphalam illustrârunt

Complectens eorum vitas, qui certò aut verisimiliter Natione Westphali
reperiuntur cum titulo Sancti aut Beati

Strunck, Michael

Neuhusii, 1715

S. Tetwigis, aliis Tüetwifis Virgo, Monialis Ordinis S. Benedicti in Dioecesi
Mindensi

urn:nbn:de:hbz:466:1-28481

bus proximè dedicatum iri. Nec mora ad Upsalense Pantheon unà convolant, ad idola illic posita manus applicant, eaq; ad terram demoliri, confringere, dissipare satagunt, auctu quidem laudabili ac generoso; sed felici minimè. Ambo enim à barbaris comprehensi non aliam sui facinoris mercedem retulère, quàm quòd virgis ultricibus castigati, ad sedes suas remeare possent gaudentes, *quoniam digni habiti sunt pro nomine IESU contumeliam pati.* Ità Stephanus eventu irritò in Helsingiam se recipere compulsus fuit; ibiq; demum exoptati Martyrii palmam gloriose consecutus est die 2da Junii, sepultusq; in oppido Norala ad sinum Bothnicum, ubi ad annum usque 1532 variis miraculis in Ecclesia fulsit, habitusq; est primus ac præcipuus Helsingorum Apostolus.

S. TETWIGIS Virgo, aliis Tüetwifis

Monialis Ordinis S. Benedicti in Diocesi
Mindensi.

Refertur cum titulo Sanctæ à variis Auctoribus; quanquam nomine paululum immutato. 10.

annos

annes Gualtericus in Catalogo Episc. Mindens. post
 Milonem Episcopum 12mum ita scribit. S. Tet-
 wigis Virgo Sanctimonialis sub eo floruit ,
 quæ Virginū Collegium instituit. *Vetus Chro-
 nicon Mindense apud Meibomiū pag. 105* : Milo
 Episcopus 12mus condidit monasteriū Mo-
 nialium in monte Wedegonis, ubi S. Tetwiof
 inclusa, solitariam agebat vitam &c. *Arnoldus
 Wion l. 3. ligni vitæ in appendice ad Martyrolo-
 gium Benedictin.* S. Tuedwif Saxo , primò in-
 clusa in Wedegenborg , dein Abbatisa &c.
*Crantzius in Metropoli l. 3. c. 47. loquens de Ca-
 stello Wedegenborg Diæcesis Mindensis ita subdit:*
 Ubi quædam Sancta inclusa nomine Tüed-
 wif prima solitariam vitam duxit : dein con-
 gregatis Sororibus regulam S. Benedicti cum
 multis Virginibus in simplicitate cordis &
 sanctitate studuit observare. *Floruit circa an-
 num Christi 994 , fuissetq; Westphalam satis colli-
 gitur ex Crantzio loco citato.* Mons Wedegonis
 videtur idem esse , qui nunc vocatur *Wedeken-
 stein* haud procul ab urbe *Minda*. Monasteri-
 um à Milone Episcopo ibidem edificatum , anno
 1009 à Ramvardo Milonis successore translatum
 est ad urbem, uti refert *Mindense Chronicon* apud
Meibomium loco citato.

Sub Milone Ecclesiæ Mindensis Antistite
 T 12mo,

12mo, sanctitatis ac religionis famâ non parum fulsit B. Terwigis Virgo natione Westphala. Habitabat hæc non procul ab urbe Minda in monte Wedegonis; ibiq; pauperi inclusa cellulæ nihil animo spectabat aliud, quàm ut inter pietatis tranquillæ studia tantò propinquior cælo fieret, quantò longiùs per amorem solitudinis à curis turbisq; sæculi recedebat. Non licuit illi tamen hoc vitæ secretioris genus in suo, ut vocant, inclusorio diu colere: ut enim excelsa virtus non minùs quàm turpe vitium suos sectatores invenit, brevi tempore non paucæ Virgines ad eam confluxêre; quibus unà in votis erat, rebus humanis omnino valedicere, soliq; Deo in justitia & cordis simplicitate ardentè deservire. Quid faceret tam sollicitis puellarum vocibus rogata virgo? ut vitam solitariam poneret, suadebat utilitas & salus plurimum; ut in ea permaneret, suadebat amor quietis propriæ, & quas ibidem degustaverat, cœlestium deliciarum suavitas. Prævaluit tamen privatis utilitatibus boni communis ratio, cumq; omnes ad eam aggregatæ virgines concordibus votis decrevissent amplecti regulam S. Benedicti, atque ad eam vitæ in posterum capeSSendæ rationes exigere; Milo

Episco

Episcopus impetrato Ottonis 3tii Imperatoris consensu monasterium eodem in monte pro illis condidit, fundavitq; anno Christi 994. Prima exinde virgineo huic cætui locq; præfecta est, quæ erat cæterarum mater, S. Terwigis: atque ut à primis infantia suæ annis piissimè instituta fuerat, ita omnes pariter ad sinceræ pietatis florem vigorémq; perducebat. Nihil illi impensius in curis erat, quàm ab hominum conspectu ac consuetudine se suásq; abstrahere; quippe quæ jam proprio experimento satís didicerat, Christo animarum sponso liberiores ibi famulatum esse, ubi animus à mundo & vanitatibus sæculi minimè detinetur. Spiritum sanctitatis ac perfectionis, quam sua quondam in cellula de cœlis hauserat, quâ verbo, quâ exemplo effundebat in omnes socias, facémq; præferebat singulis, cujus fulgore prævio per conversationis religiosæ semitam expeditius in cœlum irent. Annus, mensis, ac dies, quibus ad immortalem gloriâ ad Superos transmigravit, hætenus in obscuro sunt. Cœnobium tamen in monte Wedegonis conditum paulò post à Ramwardo Episcopo, qui post Milonem Ecclesiæ Mindensis clavum tenuit, ob æris ac ventorū intemperiem in urbem Mindam

dam translatum, atque in honorem Bmæ Virginis & S. Blasii consecratum est, anno, ut refert Mindense Chronicon apud Meibomium, MIX.

B. THEODORICUS à Monasterio dictus Coelde Ordinis FF. Minorum strictioris Observantiæ.

Refertur cum titulo Beati ab Arturo in Martyrologio Franciscan. ad diem 2 Februarii. Fortunato Hueber in Chronica tripartita Ordinis. Leone Wolff. in Martyrolog. Franciscano ad eandem diem. Ludovico Kellen in vita B. Francisci Solani parte 3 de Apostolicis Missionibus pag. 287. ubi ita de eo scribit: Umb das 1470 und folgende Jahren leuchtete als ein glänzender Morgenstern der selige Batter Theodoricus von Münster in Westphalen gebürtig: verliesse als ein anderer Antonius de Padua den Orden des H. Augustini / und begab sich in den Orden des H. Francisci von der strengerem Observantz ic. Similiter Georgius Colvenerius SStæ Theologia Doctor & Academia Duacensis Cancellarius in approbatione vitæ illius ab Arnolfo Raisio anno 1630 Duaci in lu-

cem